

成都省城形勢脈絡說明書

附錄呈請培修九里堤全案

99106

地280.13

341

50/2268

中國書店標價籤

編	號	本數	定價
		1	5.50

成都省城形勢脈絡說明書

為請培地脈以遏亂源事竊維治亂興衰天道靡定吉凶禍福人事有憑吾川兵連禍結創鉅痛深人事所召天道因應夏禹長於地理周公相其陰陽古聖先賢著書立法經史所載不盡荒唐鑄略究堪輿粗知形理慨川亂之不已冀補救於將來變理裁戒避凶趨吉謹將成都形勢利害關係為

總司令縷晰陳之歷代建都立國城池衙署廟宇祠壇必經考求非可輕率從事誠以萬生瘼降人傑地靈風鑒之說古有明徵或都省會蓉城錦水蔚起人文同治初年因灌郫等縣開鑿燒瓦曾由在籍紳士聯名呈請出示永遠禁止以護省脈來龍川民安居樂業不見兵戈者數十年戊戌以後世界維新文明競尚而地理之學夷然不屑道矣前清總督趙爾豐於署前建高樓一座即今省長公署四科所居處也

偉立通高受東西兩方煞氣辛亥之變卒至不保首領全城大遭糜爛厥後又開武成通惠兩門東西兩方煞氣排闥直入大於軍民兩長不利雖是旋開旋閉然而每開一次省城必受一次兵燹徵應不爽無可諱言去年

熊公督川曾由錦上言陳列利害雖經採納未見實行卒至營軍出省今幸我

總節大纛重開全川底定蜀中父老子弟欣欣然有望治之心為川省前途額手稱慶錦默察天心地理不禁於川省之治亂而有感焉外者敢以愛桑梓之熱忱發作狂瞽之謬論請將省公署高樓折毀武成通惠兩門永遠塞閉并請查照同治九年成案禁止西北關外省城來脈一帶開鑿燒瓦以護來龍不難物阜民安昇平再見匪獨省垣之幸全川生民實利賴之謹將說明書繕具清冊呈請鑒核批示祇遵此呈

靖川軍總司令劉

計呈說明書一冊

省脈

成都省脈由岷山發脈至灌縣二峨眉出脈三十里下壩過蒲陽河十餘里至湧山寺起頂石梁渡江至童子山平地起三臺高峯乾龍出脈復落平陽渡江廿里至崇寧縣竹瓦鋪脊出土埂由竹瓦鋪三十里至郫縣廿里至成都武家梁子又十餘里至省城西門北有油子河南有清水河夾送至省省脈來龍關係綦重橫山子向有上瓦窰一所灌縣所管下瓦窰一所崇寧縣所管花石橋瓦窰一所郫縣所管武家梁子瓦窰一所成都縣所管共有瓦窰四處取土挖坑深三四丈不等省脈為之損

成都省城形勢脈絡說明書

地師鍾朝鏞抄錄二

地師鍾朝鏞



傷同治九年總督吳棠因在籍紳士前工部侍郎薛煥前浙江提督鮑超前湖北巡撫嚴樹森前直隸按察使孫治內閣中書陳壽尊給事中伍輔祥翰林院編修伍肇齡檢討童棧雲南臨安府知府王熙震候選鹽知事葉榮歲貢袁興鑒等呈請禁止燒窰飭成綿龍茂道鍾峻委知縣黃啓元查勘將一路瓦窰折毀永遠不得取土開挖在案並出示禁止此四處固不得復行燒窰其餘有關省脈之處皆不准其新設瓦窰遵將告示一張並前署成都縣知事周瀚告示一張刊石立於土橋場關帝廟內

頭品頂戴兵部尚書兼都察院右都御史總督四川等處地方提督軍務兼理糧餉仍管巡撫事吳 為永遠嚴禁事照得地脈最忌損傷來龍尤宜保護查成都省城東南北三面皆大河圍繞獨西路一埂連接灌縣諸山由崇寧郫縣成都地界兩水

夾送直達省城其來脈之中成都交界處所向有高墩古埠連綴五六里或高二三大居省城乾方為全省氣運所關埂以北為油子河埂以南為清水河均由灌縣而米至省城東門外交會全省山水即由此埂中分數千年來毓秀鍾靈挺生賢哲蜀都文物之盛歷為西南各省之冠地靈人傑成效昭然乃成都縣西路界牌內武家梁子地方向有瓦窯二所取土燒用竟將成都界內高墩古埂挖除殆盡因數家傳取蠅頭致全省大傷龍脈利害得失輕重判然曾於同治八年札飭司道委員查勘封禁近聞武家梁子地方仍有私開瓦窯意任挖毀古埂殊屬藐玩除札飭成都崇三縣各於沿埂交界地方派差密查立予驅逐外亟應刊碑示禁為此示仰該居民人等知悉嗣後自崇灌郫三縣至犀浦土橋武家梁子等處一帶土埂之內永遠不准開窯燒瓦如有舊窯一律折毀封禁民間買賣田產亦不准賣與窯戶取土倘不

肖之徒私自開窯燒瓦并民間潛賣田土與窯戶者許紳團約保報明地方官分別拘喚立予究懲以昭儆戒俾地脈得資培護實於川省形勝之地大有裨益其各慎遵毋違特示

同治十一年七月

日

謹將成都省城脈絡臚呈如左

一考成都省脈縣志所載由岷山發脈穿河過縣蜿蜒而至省城西門入脈沿途所經之地如灌縣崇寧郫縣至犀浦土橋武家梁子等處上年即有開挖燒窯等事前清同治九年總督吳棠以上所通地方全省為地脈氣運所關泐碑禁止在案清末變法而後天文地理之學絕少人談於是任意折毀修建不旋踵而

楊已作矣鑄於地理各書不厭詳查敢以所知錄呈備覽

一考正西之門庚辛屬金由灌縣發脈而來穿河過縣直至省城氣勢橫闊威鎮全川風鑑各書皆有攷證非迷信之說實有形之可據也西方之地庚金乃肅殺之氣省城地勢甚低恐洪水為患故諸葛相蜀於外西二三里開有犀角河一道深闊三尺三寸以應周天之數有碑記存焉西門所修月城由右轉左以避肅殺之氣左以青羊宮三台星為案台以下春時過關金蓮金蓮者麓也其花心似牛形又名金牛花也該處邊枝之脈為老子所占辛亥以後新開通惠門使西方肅殺之氣直入省城由金水河引入挿射督署前案高樓映照殺氣收入矣然金又生水客氣倍盛於主氣主省城受非常之災

一考正南之門丙丁屬火有王家埂草堂寺石欄杆鍾家埂元通橋三台山古埂灣

皆屬省城之岸繞東面而出所修月城由左轉右出右邊百花潭以接朝水一錦江笮橋之水由西至南曲折灣環由右側左以收其勢至萬里橋水始東出此門修造得宜主文風之盛

一考正東之門甲乙屬木有多寶沙河色家等山環繞之而達東西城門所向紅日一井特迎紫氣所修月城由左轉右以舒其氣而兩河口出水之處更添修江樓以鎮之主川中人才倍出水主富而財歸庫也

一武成門創建之處以形局言對河之岸天祥寺一帶高墩如齒考諸龍經所載即披廉然也其後小河直射如箭寶照經云挿帶水也故原建之城垣內埋有五岳符加日月為七星又名太山符以鎮之至折毀時挖出於此可見古人之用意確有數理存焉非迷信也圖書集成六百七十八卷載籍正詳自此門修建

以來連年兵禍頻仍若不永封遠閉禍患終不止也

一考正北之門壬癸屬水有磨盤山威鳳山迴龍寺土門寺紅苕坡乃眾山朝拱也所修月城由右轉左出其勢亦舒左而慈鑒寺封家碾一帶沿河之間民國之初新開磚瓦窯數十座任意挖土大傷龍脈於此與北門吉水為患水火刑沖則傷其體水枯土燥其害不可勝言

一考省城來脈岷江與郫江隨龍界水由左倒右吉水朝來城根以下有飲馬河由灌灌溉中隔一埂曰九里堤自九里橋起而至猛追灣長十里有奇乃漢諸葛所浚建代連年湮不免有開挖倒塌之事查離堆之水頗急且高於省地數十餘丈設使洪水氾濫省城為患匪輕亦應加意培修以防水患有傷龍脈全川實利賴之諸葛入蜀注意於此後人感戴其德立廟堤旁有功於民四時享祭

一北關外省城之枝脈即督署之起脈也經過洞子口昇平橋慈鑒寺後玉局巷通會善七根栢樹白馬寺許家祠東嶽廟義地等處民國之初挖土燒窑有傷根蒂前清成都縣曾出示禁止有案可稽此脈由東嶽廟側穿河入城更由梳篦台直達觀星台而腰結于古天府由府至舊提署藩署臬署以達督院此枝脈所結之穴也

一督院大堂之右建修之督練公所哨樓一座即今省長公署四科所住地點聳立通高右受西方之肅殺左受武成門外披簾各煞若能拆除必能轉禍為福北較場之地考省城正龍來脈係由正西門而入直達皇城傍枝護龍實由外北東嶽廟側穿河入城城垣之內文殊院側有土墩高起古名梳篦臺直達古天府觀星臺實有形勢之可據也北較場係西北來龍界水之處地理諸書云若

是山盡與水逢定然隨龍大界風二水相送九里堤西北萬水共同依座後全無真氣脈面前空疊萬重山前有五擔山者考縣志所載係蜀王妃毀殉葬之處擔土為塚上有一石鑿澈可鑑號曰石鏡原名五都山也此係塚墓與龍脈無涉較場城牆之外脚下有飲馬河中隔九里堤外都城大河上流頭鉅城角百步之遠封家碾慈鑒寺一帶清末民初新開瓦窯數十座與較場方位吉水為患匪輕有傷根蒂逢秋令猶可平常逢冬令則水枯土燥逢春令春水洪發水火刑沖則傷其體其害不可勝言速宜禁止必消隱患

一皇城乃省脈所結之正穴自古藩鎮所居之地也由右轉左特起峯巒於內曰眉山子午正向坐北朝南外有御河隨龍界水繞合之東達兩河口至九眼橋將各水鎖完更建崇麗閣以塞之當日影西沉之際雲生霧擁閣影倒插如筆點

丹池此全川人文之所繫也此呈

靖川軍總司令劉

新都地師鍾朝鏞著

附錄呈請培修九里堤全案

呈為呈請培堤存古種植森林敬陳夙鑑以消水患事竊水為國稅農田之要素而
圯溢橫流則又為人民之巨患是宜預防其害也成都首善之區民殷物阜沃野千
里然其地勢低窪各河堰水由灌縣離堆發源勢若建瓴其發源處所築堤堰分為
內外二江內江之水灌漑附屬十餘縣之田倘內江水少附屬各縣自無裁種然恐
洪水泛漲縣流內江則省城必為澤國故漢諸葛孔明於省城外建九里堤不獨預
防水患藉以培補風鑑無如代遠年湮農民無知每多挖損亟應培修完固種植森
林俾省城之水患可以預防而省會之風鑑亦得培護昔李冰鑿離堆以利蜀孔明
築堤以禦害民感其德并立廟祀以崇有功用敢敬陳管見伏候採擇施行謹呈
四川總司今兼省長劉

附錄呈請培修九里堤全案

地師鍾朝鏞著七

地師鍾朝鏞

一考灌縣離堆乃秦蜀太守李冰開鑿引水灌漑成都內屬十餘縣田上游都江大
堰其水頭高於省地數十餘丈夏間洪水泛漲或奔流於內江則必遭水患故漢
諸葛築九里堤以禦之

一考九里堤在成都西北省城脚下其上游上泥朱牟石堤等堰之水畢匯於此水
勢迅急因築九里堤以預防水患至宋乾德年間太守劉熙古重修故又號曰劉
公堤

一考堤埂九里橋起至猛追灣止長九里餘故名九里堤九里橋起至北門小橋稅
卡止為九里堤正堤北門月城起至猛追灣止為護城腳子堤

一九里堤堤現時多已開懇挖損侵占為私擬請偵查或飭令成華兩縣就地方公

款移注培修宜以河口寬深為標準禦敵水勢且取土河底工不勞而費亦省實為省城最切之裨益

一提倡森林沿堤一帶培修以後如能作植樹節地點種植樹木不過十年可收利益且堤因樹根盤結尤期堅固古蹟風鑑際可保存水患亦得備禦厥功之崇當與武鄉侯相伯仲矣

成都衛戍總司令部指令
總字第九八六號
陸軍第三軍軍

令地師鍾朝鏞

呈一件為呈請培堤存古種植森林敬陳管見一案由

據呈已悉查核所陳於城堤林業均有裨益用水之利並宜預防水之患尤屬扼要

附錄呈請培修九里堤全案

地師鍾朝鏞呈

之言足見留心時事非徒以徵文考獻見長深堪嘉許仰候據情咨達省長公署存查以備采擇施行此令

總司令劉成勳

中華民國十一年一月十三日

四川省長公署訓令 第一二六六號

令成都華陽縣知事

為令遵事案據地師鍾朝鏞以培堤存古種植森林以消水患一案具呈前來除以呈悉據稱種植森林保護古堤以消水患各節不無見地仰候令飭成華兩縣知事

查酌辦理可也此批等語揭發外合行抄發原呈令仰該知事即便斟酌情形妥為

辦理是為至要此令
計抄發原呈一件

兼省長劉 湘

中華民國十一年一月二十五日

成華兩縣查勘徇誤復陳明查誤原由蒙批列左

成都衛戍總司令部指令 總字第八〇號
陸軍第三軍軍

令地師鍾朝鏞

附錄呈請培修九里堤全案

地師鍾朝鏞署九

呈一件為以查覆徇誤等詞呈懇澈究一案

據呈已悉仰候令行成都縣知事查核辦理此令抄件存

劉成勳

中華民國十一年四月三日

四川省長公署訓令 第五三四號

令成都縣知事 廣雲卿
華陽縣知事 帥國瑛

為令遵事業據成都縣地師鍾朝鏞以查覆徇誤呈懇澈究等情具呈到署當經本
公署呈粘均悉查此案前據該地師具呈業經令飭成華兩縣查酌辦理在案據稱
該縣飭由實業所查勘諸多徇誤如果不虛殊於培堤存古兩有所妨候成華兩縣

切實勘明擬定辦法呈候核奪此批除批揭示外合即抄錄原呈令飭為此令仰該兩縣即便遵照會同勘明如有私行侵佔應令尅日歸還一面擬據辦法會呈候奪切切此令

計抄發原呈一紙

兼省長劉湘

中華民國十一年四月十四日

地師鍾朝鏞



號

門人鍾永宗
捐資劉永通
印送謝永明
傅永全

地師鍾朝鏞著

古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室